



Tužilaštvo-Tužiteljstvo Bosne i Hercegovine
Тужилаштво Босне и Херцеговине

Broj: T20 0 КТПО 0013688 17
Sarajevo, 28.11.2022.godine

SUD BOSNE I HERCEGOVINE
SARAJEVO
-Sudiji za prethodno saslušanje-

Na osnovu člana 35. stav 1. i 2. tačka g) i h) i člana 226. i 227. Zakona o krivičnom postupku Bosne i Hercegovine, podižem:

OPTUŽNICU

PROTIV:

1. **SALKANOVIĆ NEDŽADA**, rođenog 1976. godine u Tuzli, državljanina BiH, i
2. **Pravnog lica „NESAL COMPANY“ d.o.o. Živinice.**

ŠTO JE:

Salkanović Nedžad

U vremenskom periodu od 01.10.2016. godine do 31.10.2016. godine, kao direktor bez ograničenja ovlaštenja pravnog lica „NESAL COMPANY“ d.o.o. Živinice, postupajući u ime pravnog lica „NESAL COMPANY“ d.o.o. Živinice, kao poreski obveznik u smislu odredaba člana 12. i 13. Zakona o PDV-u („Službeni glasnik BiH“, br. 9/05 i br.35/05), s ciljem izbjegavanja plaćanja davanja propisana poreznim zakonodavstvom Bosne i Hercegovine odnosno s ciljem izbjegavanja plaćanja PDV-a na izvršeni promet, koja obaveza plaćanja proizlazi iz odredaba članova 3. i 4. istog Zakona, postupio suprotno odredbama člana 38. i 39. Zakona o PDV-u, kada je prilikom kontrole izvršene od strane inspektora UINO BiH u upravnom postupku dana [REDACTED] utvrđen manjak robe u iznosu od 770.214,00 KM, a na koji promet je bio dužan obračunati PDV u iznosu od ukupno 130.936,00 KM, a koji se manjak smatra neprikazanom realizacijom jer nije rezultat više sile, te je Salkanović Nedžad navedeni promet i pripadajući izlazni PDV u iznosu od 130.936,00 KM i prihod po istom prometu propustio prikazati u knjigovodstvenim evidencijama, uključujući knjigu izlaznih faktura pravnog lica „NESAL COMPANY“ d.o.o. Živinice i isti propustio prikazati, obračunati i prijaviti Upravi za indirektno oporezivanje BiH putem PDV prijave za oktobar 2016. godine kada je nastala PDV obaveza, čime je nezakonito i neosnovano umanjio svoju

poreznu (PDV) obavezu, te suprotno odredbama članova 5., 38. i 39. Zakona o PDV-u i člana 11. Pravilnika o primjeni Zakona o PDV-u („Službeni glasnik BiH“, br. 93/05, br. 21/06, br. 60/06, br. 06/07 i br. 35/08) izbjegao prikazivanje, obračun, prijavu i plaćanje izlaznog PDV-a u iznosu od 130.936,00 KM, na štetu budžeta BiH, u kojem iznosu su istovremeno stekli protivpravnu imovinsku korist.

Pravno lice „NESAL COMPANY“ d.o.o. Živinice

kao pravna osoba raspolagalo je protivpravnom ostvarenom imovinskom koristi u ukupnom iznosu od 130.936,00 KM, a koju je u ime, za račun i korist pravnog lica u svojstvu i na način opisan u prethodnoj tački ostvario Nedžad Salkanović,

Dakle, Nedžad Salkanović, radnjama opisanim pod tačkom 1. Optužnice, izbjegao plaćanje davanja propisanih poreznim zakonodavstvom BiH dajući lažne podatke o svojim stečenim oporezivim prihodima ili o drugim činjenicama koje su od uticaja na utvrđivanje iznosa ovakvih obaveza, pri čemu obaveza čije se plaćanje izbjegava prelazi 50.000,00 KM, a pravno lice „NESAL COMPANY“ d.o.o. Živinice je raspolagalo protivpravnom ostvarenom imovinskom koristi nastalom izvršenjem krivičnog djela, koju je Nedžad Salkanović učinio u ime i za račun i korist pravne osobe,

Čime bi počinili, i to Nedžad Salkanović krivično djelo Porezne utaje ili prevare iz člana 210. stav 3. u vezi sa stavom 1. Krivičnog zakona BiH, a pravno lice „NESAL COMPANY“ d.o.o. Živinice, krivično djelo Porezne utaje ili prijevare iz člana 210. stav 3. u vezi sa stavom 1. Krivičnog zakona BiH u vezi sa članom 124. tačka c) Krivičnog zakona BiH.

**TUŽILAC
TUŽILAŠTVA BiH**